

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog konkurentskog zahtjeva za dostavu ponuda za javnu nabavku usluga – Usluge revizije finansijskih izvještaja za 2018. godinu, objavljenog na web portalu Agencije za javne nabavke dana 14.08.2018. godine i u „Službenom glasniku BiH“ broj 56/18 dana 17.08.2018. godine, zaključen je

## OKVIRNI SPORAZUM

Između:

**Javna ustanova Opća bolnica „Prim. dr. Abdulah Nakaš“**,  
Ul. Kranjčevićeva broj 12, 71000 Sarajevo,  
koju zastupa direktor Prim. dr. Zlatko Kravić,  
Identifikacijski broj: 4200288400001,  
(u daljem tekstu: **Naručilac**)

i

**„BDO BH“ d.o.o. Sarajevo**,  
Ul. Dolina broj 11, 71000 Sarajevo  
koga zastupa direktor Mislav Zidar,  
Identifikacioni broj dobavljača: 4202095420008  
Transakcijski račun dobavljača: 199499003548975  
Naziv banke dobavljača: Sparkasse Bank d.d.  
(u daljem tekstu: **Dobavljač**),

### Član 1.

Predmet Okvirnog sporazuma je nabavka usluga: – Usluge revizije finansijskih izvještaja za 2018. i 2019. godinu, konkurentski zahtjev za dostavu ponuda, prema ponudi broj: 441/2018 od 22.08.2018. godine, a na osnovu Odluke o izboru najpovoljnijeg ponuđača broj 6834-13/18 od 07.09.2018. godine.

Ponuda sa specifikacijom usluga broj 441/2018 od 22.08.2018. godine i dokumentacija dostavljena po predmetnoj nabavci sastavni su dio ovog sporazuma,

- Ponudom / specifikacijom Dobavljača br. 441/2018 od 22.08.2018. godine – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po konkurentskom zahtjevu za dostavu ponuda broj JN-72/18.

### Član 2.

Okvirni sporazum (u daljem tekstu: sporazum) se zaključuje na period od 24 (dvadesetčetiri) mjeseca i traje do isteka sporazuma odnosno do utrošene maksimalne finansijske vrijednosti do 20.000,00 KM bez uračunatog PDV-a, odnosno 23.400,00 KM sa uračunatim PDV-om na dvogodišnjem nivou.

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih usluga po nepromijenjenim uslovima sa dobavljačem kojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih usluga.

### **Član 3.**

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Cijene usluga iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem konkurentskog zahtjeva za dostavu ponuda, tenderskoj dokumentaciji, ugovoru o javnoj nabavci usluga i ponudi Dobavljača.

### **Član 4.**

Ovaj Okvirni sporazum ugovorne strane mogu raskinuti pisanim putem, na način da strana koja traži raskid ovog Okvirnog sporazuma upućuje pisanu obavijest drugoj ugovornoj strani, i to u slučaju povrede odredbi ovog Okvirnog sporazuma, ako druga strana nije takvu povredu ispravila čak ni u ostavljenom primjerenom roku, koji ne može biti kraći od 5 dana.

Naručilac može raskinuti ovaj Okvirni sporazum u slučaju:

- da dobavljač kojem je ponuđeno zaključivanje pojedinačnog ugovora ne potpiše pojedinačni ugovor ili ne dostavi bankarsku garanciju za dobro izvršenje ugovora
- da iz bilo kog razloga ugovorne strane raskinu pojedinačni ugovor,
- da druga ugovorna strana ne poštuje odredbe ovog Okvirnog sporazuma;

### **Član 5.**

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

### **Član 6.**

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

### **Član 7.**


Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

**Član 8.**

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

**Dobavljač**  
**„BDO BH“ d.o.o. Sarajevo**  
**DIREKTOR**  
  
**Mislav Zidar**  
BDO BH d.o.o.  
Sarajevo  
Društvo za reviziju



**Naručilac**  
**KJU Opća bolnica**  
**„Prim. dr. Abdulah Nakaš“**  
**DIREKTOR**  
  
**Prim. dr. Zlatko Kravić**

Broj: 003/05/2018/19  
Sarajevo, 17.10.2018g

Broj: 6834-16/18  
Sarajevo, 21.09.2018. godine